



Халқ сўзи

Ўзбекистон –
келажаги
буюк
давлат

2021 йил – Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 18 август, № 174 (7954)

Чоршанба

Сайтимизга ўтиш учун QR-кодни телефонингиз орқали сканер қилинг.



Янги Ўзбекистонда эркин ва фаровон яшайлик!

Ўзбекистон Республикаси Президентининг ФАРМОНИ ИШ ҲАҚИ, ПЕНСИЯЛАР, СТИПЕНДИЯЛАР ВА НАФАҚАЛАР МИҚДОРINI ОШИРИШ ТЎҒРИСИДА

Аҳоли турмуш даражасини оширишга қаратилган чора-тадбирлар қўламини кенгайтириш, коронавирус пандемияси даврида фуқароларни ижтимоий ҳимоя қилиш ва ақтиёжманд оилаларни моддий қўллаб-қувватлашни янада кучайтириш, уларнинг даромадларини изчил ошириб бориш мақсадида:

1. 2021 йилнинг 1 сентяб-ридан бошлаб бюджет ташкилотлари ходимларининг иш ҳақи, пенсиялар, стипендиялар ва нафақалар миқдори **1,1 баробарга оширилсин.**

2. 2021 йилнинг 1 сентяб-ридан бошлаб Ўзбекистон Республикаси ҳудудида:

меҳнатга ҳақ тўлашнинг энг кам миқдори — **ойига 822 000 сўм**;
базавий ҳисоблаш миқдори — **ойига 270 000 сўм**;
пенсияни ҳисоблашнинг базавий миқдори — **ойига 289 000 сўм**;
ёшга доир энг кам пенсиялар — **ойига 565 000 сўм**;

болалиқдан ногиронлиги бўлган шахсларга бериладиган нафақа — **ойига 622 000 сўм**;

зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа — **ойига 440 000 сўм**;

иш стажы тўлиқ бўлмаган чоғдаги пенсияларнинг энг кам миқдори қўшимча тўловни ҳисобга олган ҳолда — **ойига 440 000 сўм**;

белгиланган ёшга доир энг кам пенсия миқдоридан 623 000 сўмга-ча пенсия олувчиларнинг ёшга доир ва ногиронлик бўйича пенсиялари миқдори — **ойига 623 000 сўм**;

1941 — 1945 йиллардаги уруш ногиронлари ва қатнашчилари, шунингдек, фашистлар концлагерларининг вояга етмаган соғиб маҳбуслари ва Ленинград шахри қамал қилинган даврда ишлаган шахсларнинг энг кам пенсия миқдори устамаларни инобатга олган ҳолда — **ойига 2 750 000 сўм** этиб белгилансин;

боқувчисини йўқотганлик пенсияси олувчиларнинг бир нафар меҳнатга қобилиятсиз оила аъзоси учун пенсиянинг энг кам миқдори — **ойига 440 000 сўм** этиб белгилансин ва кейинги ҳар бир меҳнатга қобилиятсиз оила аъзоси учун амалдаги тартибга мувофиқ пенсия тўлансин;

боқувчисини йўқотганлик нафақаси

олувчиларнинг бир нафар меҳнатга қобилиятсиз оила аъзоси учун нафақа миқдори — **ойига 440 000 сўм** ва кейинги ҳар бир меҳнатга қобилиятсиз оила аъзоси учун **165 000 сўмдан** қўшилиши белгилансин.

3. Бюджет ташкилотлари ходимларининг иш ҳақлари, пенсиялар, стипендиялар ва нафақаларнинг оширилиши билан боғлиқ харажатлар **Давлат бюджети ва Молия вазирлиги ҳузуридаги бюджетдан ташқари Пенсия жамғармаси маблағлари ҳисобидан қоплансин.**

Иш берувчиларга иш ҳақи миқдорларини қонунчилик ҳужжатларида белгиланган меҳнатга ҳақ тўлашнинг энг кам миқдоридан кам бўлмаган ҳолда тўлашни таъминлаб, иш ҳақи миқдорларини меҳнатга ҳақ тўлашнинг энг кам миқдорига мувофиқ ошириш тасвია этилсин.

4. Молия вазирлиги, Ўзбекистон Миллий ахборот агентлиги, Ўзбекистон Миллий телерадиокомпанияси, Ахборот ва оммавий коммуникациялар агентлиги ушбу Фармоннинг мақсади, вазифалари ва ундан қўллаб-қувватлаш натижаларини оммавий ахборот воситалари, интернет ва ижтимоий тармоқларда кенг ёритиш ишларини ташкил қилсин.

5. Ўзбекистон Республикаси Президентининг айрим ҳужжатларига 2021 йил 1 сентябрдан иловага мувофиқ ўзгартиришлар киритилсин.

6. Молия вазирлиги манфаатдор вазирлик ва идоралар билан биргаликда икки ой муддатда қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига тақлифлар киритсин.

7. Мазкур Фармоннинг ижросини самарали ташкил қилишга масъул ва шахсий жавобгар этиб молия вазири **Т.А.Ишметов** белгилансин.

Фармон ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикаси Бош вазирининг ўринбосари **Ж.А.Кучкаров** зиммасига юклансин.

Амалга оширилаётган чора-тадбирлар натижадорлиги юзасидан Ўзбекистон Республикаси Президентига **2021 йил 1 ноябрь**га қадар ахборот берилсин.

Ўзбекистон Республикаси Президенти

Ш. МИРЗИЁЕВ

Тошкент шаҳри,
2021 йил 17 август

ЎЗБЕКИСТОН ВА ГЕРМАНИЯ ПРЕЗИДЕНТЛАРИ МИНТАҚАВИЙ АҲАМИЯТГА МОЛИК ДОЛЗАРЪ МАСАЛАЛАРНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 17 август куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Кўп қиррали Ўзбекистон — Германия муносабатларини янада ривожлантириш масалалари кўриб чиқилди ҳамда минтақавий ҳамкорликнинг энг муҳим жиҳатлари муҳокама қилинди.

Афғонистондаги вазиятнинг ривожланишига алоҳида эътибор қаратилди. Ушбу мамлакатдаги ҳарбий-сиёсий кескинликнинг кучайиши минтақавий ва халқаро хавфсизлик ҳолатига жиддий салбий таъсир кўрсатиши мумкин экани таъкидланди.

Афғон муаммосининг тинч йўл билан ҳал этилишига қўмаклашиш бўйича биргаликдаги саяё-ҳаракатларни яқиндан мувофиқлаштириш ҳамда минтақадаги вазият юзасидан мунтазам сиёсий маслаҳатлашувлар олиб бориш тўғрисида келишувга эришилди.

Афғонистондан Германия фуқароларини эвакуация қилиш масалалари бўйича ҳамкорлик ҳам давом эттирилади.

Ў.А.

Жамоатчилик эшитуви

ДАВЛАТ ДАСТУРИ ИЖРОСИ ҚАНДАЙ БОРЯПТИ?

Кеча Ўзбекистон Республикаси Олий Мажлиси Сенатининг Фан, таълим ва соғлиқни сақлаш масалалари қўмитаси ҳамда “Юксалиш” умуммиллий ҳаракати ҳамкорлигида “Ёшларни қўллаб-қувватлаш ва аҳоли саломатлигини мустаҳкамлаш йили” Давлат дастури ижроси юзасидан галдаги жамоатчилик эшитуви ташкил этилди.

Унда дастурнинг тегишли бандлари ижроси бўйича Соғлиқни сақлаш вазирлиги, Санитария-эпидемиологик осойишталик ва жамоат саломатлиги хизмати, Молия вазирлиги масъул раҳбарлари ахборот берди. Жумладан, бу ҳужжатнинг 177-бандига мувофиқ, республика аҳолисини коронавирусга қарши профилактик эмлаш ишларини уюштириш ҳамда 184-бандда таъкидланган аҳолига давлат томонидан бепул тиббий хизматлар ва дори воситалари билан кафолатланган пакет доирасида тиббий хизмат кўрсатиш тизимини изчил йўлга қўйиш

каби вазифалар ижроси бўйича масъуллар ахбороти тингланди.

Жамоатчилик эшитувида корона-вирус инфекциясига қарши эмлаш жараёنларининг бориши, Ўзбекистонга олиб келинган вакциналар ва уларга ажратилган маблағлар ҳамда вакцинация чоғида дуч келадиган муаммолар ҳақида батафсил маълумотлар тақдим этилди.

Шунингдек, бепул тиббий хизматлар ва дори воситалари билан кафолатланган пакет доирасида тиббий хизмат кўрсатиш бўйича амалга оширилаётган ишлар, жумладан, кафолатланган пакет неча турдаги

тиббий хизмат ва дори воситалари қамраб олиши, бунинг учун қанча маблағ талаб этилиши сингари масалаларга ойдинлик киритиб ўтилди.

Тадбирда жамоатчилик вакиллари томонидан вакцинация жараёни суғурт кечаётгани ва ижтимоий тармоқларда тиббий муассасаларда айрим ҳолларда дори воситалари етишмаслиги бўйича аҳоли томонидан чиқишлар бўлаётгани ҳамда бу масалалар доимий равишда жамоатчилик назоратида эканлиги ҳам таъкидланди.

Маълумот учун айтиш керакки, буйилги Давлат дастури 273 банддан иборат бўлиб, у ҳақдаги барча маълумот “Jamotchilik.uz” платформасига жойлаштирилган. Платформада дастур ижроси юзасидан фикр-мулоҳазалар қолдириш имконияти ҳам мавжуд.

«Халқ сўзи».



Ватанимиз мустақиллигининг 30 йиллигига



Фарғона вилояти:

Бунёдкорлик ва яратувчанликнинг улўф қудрати

Фарғона вилояти ҳам кейинги йилларда қалбга ғурур ва ифтихор бахш этадиган ҳаётбахш ислохотлар туфайли тобора янгиланмоқда, тараққиёт ҳамда истиқбол сари дадил одимламоқда.

Тийрак нигоҳли ҳамюртларимиз бугун бунёдкорлик ва яратувчанликнинг улўф қудратини кўриб, тарихий ўзгаришлар жараёнининг шунчаки

кузатувчиси эмас, балки фаол ва фидойи иштирокчиси бўлишга интиляпти. Фарғонанинг ойдin кўчалари, қадди баланд бинолари бобомерос қадрият ва аъналаримизни ўзида тўлиқ муҳассам этаётгандек гўё.

Зеро, олам чиройини хулқи гўзал, серқирра фазилатли эл яратади. Фарғоналиклар эса ана шундай сифатлар соҳибидир...

4-саҳифага қаранг. ➡



МАРКАЗИЙ САЙЛОВ КОМИССИЯСИНING АХБОРОТИ

2021 йил 14 август куни Марказий сайлов комиссиясининг навбатдаги мажлиси бўлиб ўтди. Унда округ сайлов комиссияларининг шахсий таркиби тасдиқланди ва оммавий ахборот воситалари вакиллари аккредитациядан ўтказилди. Шунингдек, 2021 йил 24 октябрь куни бўлиб ўтадиган Ўзбекистон Республикаси Президенти сайловида иштирок этиш учун сиёсий партияларга ижозат бериш тўғрисида аризалар келиб тушиши навбатига қуйдаги қарорлар қабул қилинди:

- Ўзбекистон Экологик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1094-сон қарори;
- Ўзбекистон Халқ демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1095-сон қарори;
- Тадбиркорлар ва ишбилармонлар ҳаракати — Ўзбекистон Либерал-демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1096-сон қарори;
- Ўзбекистон “Миллий тикланиш” демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1097-сон қарори;
- Ўзбекистон “Адолат” социал-демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1098-сон қарори.

Мазкур қарорлар Марказий сайлов комиссиясининг расмий веб-сайтида эълон қилинди.

Марказий сайлов комиссияси
Матбуот хизмати.

САЙЛОВЛАРГА ТАЙЁРГАРЛИК КЎРИШ ВА ЎТКАЗИШДА

Фуқаролик жамияти институтларининг иштироки қай даражада муҳим?

Олий Мажлис Қонунчилик палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси “Юксалиш” умуммиллий ҳаракати билан ҳамкорликда “Сайловларга тайёргарлик кўриш ва ўтказишда фуқаролик жамияти институтларининг иштироки” мавзuida давра суҳбати ўтказди.

➡ 3

ПРЕЗИДЕНТ МИРЗИЁЕВ БУТУН ДУНЁДА ЭЪТИРОФ ЭТИЛАЁТГАН ЎЗБЕК ДИПЛОМАТИЯСИДА ЯНГИ САҲИФА ОЧДИ

Мақолада Ўзбекистонда кейинги беш йилда барча соҳада олиб борилган тенги йўқ, инқилобий ислохотлар кўрсатиб ўтилган. Шунингдек, Ўртабшомиз томонидан амалга оширилаётган ислохотларда жаҳон афкор оммаси дунё сийсатида янги бир тўлқинни кўраётганини эътироф этади. Бу Ўзбекистоннинг янги тараққиёт йўли, янги Ўзбекистондир.

Муаллиф бугун янги Ўзбекистон тарихига ёзилаётган барча соҳани зарҳал харфлар билан аниқ олмада этиб беради. Муаллиф йирик олим, таълимнинг жонқур ташкилотчиси сифатида келажақ таълими ва илмуфани замонавий дунёга юзланиши ҳамда дунё билан тенглашишини Ўртабшомиз тизимида кўради. Шу ўринда Буюк Британияни энг мурак-

чилик муносабатларининг ўрнатилганлиги алоҳида таъкидланган. Дарҳақиқат, чегаралар очилиши нафақат Ўзбекистон халқининг, балки қардош ва қўшни мамлакатлар халқларининг азалий орзуси эди. Президентимиз томонидан мана шу орзу амалга оширилди. "Президент Мирзиёев Марказий Осиёдаги тўсиқларни парчалади. У бугун бутун дунёда эътироф этилаётган ўзбек дипломатиясида янги саҳифа очди. Ўзбекистон Президентини Мирзиёев тарихда Марказий Осиёни бирлаштира даяват этган, бу йилда барча имкониятларини ишга солган давлат раҳбари сифатида қолади. Мен ишонаман, Марказий Осиё мамлакатлари ўртасидаги чегаралар, йўллар энди ҳеч қачон ёпилмайди. Тарих тақдорланмайди. Марказий

Осиё давлатларида 25 йил давом этган инсон ҳуқуқларининг халқаро даражада бузилишларига Ўзбекистон раҳбари томонидан бутунлай чек қўйилди", деб ёзади муаллиф.

Ўз навбатида, тегишли қарор ва фармонлар билан валюта бозори эркинлаштирилди, инсон ҳуқуқлари кафолатлари мустаҳкамланди, коррупция ва камбағалликка қарши қатъий кураш олиб бориш йўлга қўйилди, олий таълим тизими мутлақо янги ракурсда ривожлантирилмоқда, ёшларни қўллаб-қувватлашнинг янги тизими яратилди.

Шундай қилиб, муаллиф Ўзбекистонда кейинги беш йилда амалга оширилаётган ислохотларда дунё миқёсида янги бир йўл — Президент Шавкат Мирзиёев томонидан белгиланган мамлакатнинг янги тарақ-

қиёт йўли, янги Ўзбекистон эканлигини рад этиб бўлмас мисоллар билан далиллаб беради.

Умуман, мақолада янги Ўзбекистонни давлатимиз раҳбари мукамал даражада бошқараётгани рад этиб бўлмас мисоллар ёрдамида исботлаб берилган.

Шулардан келиб чиққан ҳолда барча олий ўқув юртиларимизда "Инсон концепцияси Ўзбекистон Республикаси Президентини Шавкат Мирзиёев томонидан яратилди" номи дарс ўтилиши мақсадга мувофиқ, деб ҳисоблаймиз.

Бакридин ЗАРИПОВ,
Жаҳон физиологлар
жамиятининг академиги
(Стокгольм),
Италиянинг Рим университети
фахрий профессори.

ИМКОНИЯТ МЕҲНАТ МИГРАНТЛАРИ УЧУН ҚЎШИМЧА РАҒБАТЛАР БЕРИЛМОҚДА

Юртимизда ташқи меҳнат миграцияси жараёнларини тартибга солиш, уюшган ҳолда чет элга ишлашга қабул қилиш бўйича халқаро битимлар тузиш, меҳнат жойига хавфсиз бориш учун қулай шарт-шароитлар яратиш борасида қатъий чоралар қўрилмоқда. Аммо қатор сабабларга кўра чет элда фуқароларнинг ишга жойлашишини тўғри ташкил этиш, шунингдек, юртига қайтган шахсларни иш билан таъминлашга имкон бермаётган муаммолар ҳам йўқ эмас.



Президентимизнинг 2021 йил 30 июлдаги "Хорижга ташкиллаштирилган меҳнат миграциясига кетаётган фуқароларни рағбатлантириш бўйича қўшимча чора-тадбирлар тўғрисида"ги қарори эса бу борадаги ишларни изчил давом эттириш мақсадида қабул қилинганлигини ҳам таъкидлаш зарур.

Мазкур ҳужжатлар асосида, қонуний йўл билан хорижга кетаётган юртдошларимизга қўшимча рағбатлар берилди. Жумладан, 1 сентябрдан бошлаб "labor-migration" дастурий мажмуасида рўйхатга олинган, касбларни ёки чет тилларини ўрганаётган ва меҳнат миграцияси йўли билан хорижий мамлакатларда ишлаш учун кетаётган фуқароларга айрим харажатларни қоплаш учун Хорижда меҳнат фаолиятини амалга ошираётган фуқароларни қўллаб-қувватлаш ҳамда ҳуқуқлари ва манфаатларини ҳимоя қилиш жамғармаси ҳисобидан маблағ тўланади.

Аниқ айтганда, чет тиллари ёки касб бўйича малакавий имтиҳонлари муваффақиятли топширганларга базавий ҳисоблаш миқдорининг уч бараваригача, сафар чиптасини сотиб олаётганда базавий ҳисоблаш миқдорининг икки бараваригача, ривожланган мамлакатларда ишлашда "иш визасини" расмийлаштириш учун базавий ҳисоблаш миқдорининг беш бараваригача маблағ тўланади. Бунинг учун масофадан туриб "labor-migration" дастурий мажмуаси орқали ёки Бандликка қўмқолаш маркази ва Ташқи меҳнат миграцияси агентлигига бевосита мурожаат қилиш талаб этилади.

Равшанбек АЛИМОВ,
Олий Мажлис Сенатининг
Халқаро муносабатлар,
ташқи иқтисодий
алоқалар, хорижий
инвестициялар
ва туризм масалалари
қўмитаси раиси.

АСОСИЙ МАҚСАД — ХАЛҚИМИЗ УЧУН ЭРКИН, ОБОД ВА ФАРОВОН ҲАЁТ ЯРАТИШ

Мамлакатимиз мустақиллигининг 30 йиллиги арафасида матбуотда Президентимиз Шавкат Мирзиёев билан интервью эълон қилинди. "Янги Ўзбекистон демократик ўзгаришлар, кенг имкониятлар ва

амалий ишлар мамлакатига айланмоқда" сарлавҳаси остида берилган интервьюда кейинги йилларда юртимизда барча соҳада амалга оширилган ислохотларнинг самаралари чуқур таҳлил қилинган.

Ушбу интервью халқаро экспертлар, турли соҳа ва кенг жамоатчилик вакиллари, шу жумладан, парламент аъзолари томонидан катта қизиқиш билан кутиб олинди.

Эркин ЗОХИДОВ,
Олий Мажлис Қонунчилик палатасининг
Фан, таълим,
маданият ва спорт масалалари қўмитаси раиси:



— Давлатимиз раҳбари суҳбат давомида Ўзбекистонда кейинги беш йилда амалга оширилаётган кенг қамровли ислохотлар, тўб демократик ўзгаришлар мамлакатимиз ривожланишининг тарихан янги даври — янги Ўзбекистонни барпо қилиш мақсадлари билан узвий боғланишда эканлигини кўрсатиб, бунга эришиш Президент сифатидаги фаолиятининг асосий устуворликлари ташкил этишини билдирди.

Шунингдек, мамлакатимизда иқтисодий-сиёсий, ижтимоий-гуманитар ва қўллаб бошқа соҳаларда амалга оширилаётган катта бунёдкорлик ишлари, мавжуд камчиликлар ва келажақдаги истиқболли ривожланиш йўналишлари тўғрисида сўз юритилган. Ушбу таҳлилнинг Ўзбекистондаги таълим тизимини изчил ривожлантириш билан боғлиқ қисми, айниқса, катта таассурот қолдирди.

Ийгилик-қизиларимизга тўлақонли таълим олиши учун тенг имкониятлар бериш бундаги энг зарур шартлардан бири ҳисобланади. Ай-

Ойдин АБДУЛЛАЕВА,
Олий Мажлис Қонунчилик
палатаси депутати:

— 1991 йил 31 август санасидан буён ўтган вақт, босиб ўтилган машаққатли йўл, эришилган натижалар ҳақида сўз борар экан, давлатимиз ўз олдига қўйган буюк мақсад — янги Ўзбекистонни барпо этиш экани суҳбатда алоҳида айtilди. "Таъкидлаш керакки, янги Ўзбекистонни барпо этиш — бу шунчаки хоҳиш-истак, субъектив ҳодиса эмас, балки тўб тарихий асосларга эга бўлган, мамлакатимиздаги мавжуд сиёсий-ҳуқуқий, ижтимоий-иқтисодий, маънавий-маърифий вазиятнинг ўзи тақозо этаётган, халқимизнинг асрий интилишларига мос, унинг миллий манфаатларига тўла жавоб берадиган объектив заруратдир.

Янги Ўзбекистон — демократия, инсон ҳуқуқ ва эркинликлари борасида умумэътироф этилган норма ва принципларга қатъий амал қилган ҳолда, жаҳон ҳамжамияти билан дўстона ҳамкорлик тамоиллари асосида ривожланидиган, пировард мақсади халқимиз учун эркин, обод ва фаровон ҳаёт яратиб беришдан иборат бўлган давлатдир", деди давлатимиз раҳбари.

Маълумки, сўнгги йилларда Президентимиз юртимиздаги маданий соҳанинг ривожини ҳам ўзининг алоҳида назорати олдди. Бу йўналишда ҳеч бир тармоқ эътибордан четда қолмапти. Хусусан, кино санъати, рақс санъатининг ривожланишига қаратилган Фармон



ва қарорлар кўп йиллардан бери оқсатган соҳанинг жонланишини таъминлаб берди.

Шаҳрисабзда бўлиб ўтган Халқаро мақом санъати анжумани, Термизда бўлиб ўтган Халқаро бахшичилик санъати, Қўқонда ўтган Халқаро ҳунармандчилик фестиваллари юксак савияда ташкил этилиб, дунё ҳамжамиятининг эътирофи сабаб бўлди.

"Миллий тикланишдан — миллий юксалиш сари" дея баралла янграган ғоя ўзининг татбиғини топар экан, миллий тарихимизни ҳолис ва ҳаққоний тадқиқ этиш учун бугунги кунда Ўзбекистонга оид ҳоррижади маданий бойликларни тадқиқ этиш маркази, Фанлар академияси қошида Ўзбекистоннинг янги тарихи маркази, "Ўзбекистон тарихи" телеканали фаолият кўрсатмоқда.

Шунингдек, ислом дини ривожини давомлатишда қилган буюк муҳаддис боболаримизнинг диний ва илмий-маънавий меросини ўрганиш ва тарғиб этиш мақсади-

ПРЕЗИДЕНТИМИЗ ИШОНЧНИН ОҚЛАЙМАН

Токио шаҳрида бўлиб ўтган XXIII ёғи Олимпиада ўйинларида юқори натижаларга эришган спортчи ва мураббийлардан бир гуруҳи Президентимиз Фармонига мувофиқ фахрий унвонлар, орден ва медаллар билан тақдирланди. Ушбу юксак мукофотларни давлатимиз раҳбарининг шахсан ўзи тантанали равишда топширди. Ушбу маросимда "Жасорат" медали билан тақдирланганим ҳамда Президентимизнинг менга билдирган катта ишончи келгуси мусобақаларда шохсупанинг энг юқорисидан жой эгаллашимга руҳлантиради.

Дил сўзи

Айниқса, Президентимизнинг мен ҳақимда айтган гаплари мусобақадаги мағлубиятимдан бир оз тушкун кайфиятимни унутиб, келгуси мусобақаларга янада кучлироқ тайёргарлик қўришимга мотивация берди.

— Бу галги мусобақада янги Ўзбекистоннинг янги қаҳрамонлари қауф этилди, хусусан, 18 ёшли спортчи қизимиз, қорақалпоқ элининг муносиб фарзанди Зайнаб қиличбозликнинг сабля йўналишида Ўзбекистон тарихида биринчи марта Олимпиада қатнашчиси, деган шарафга сазовор бўлди. Осиё ўйинлари финалчиси, дунё ретингиде 3-ўринда бораётган хитойлик, тажрибали спортчини мағлуб этганида мен жуда марғу郎ландим, шунинг ўзи галаба. Мен ишонаман Зайнаб қизим, келгуси Олимпиада ўйинларида ўзининг тиришқоқлиги билан Ўзбекистонга албатта ва албатта олтин медаль олиб келишига мен ишонаман, — деди Президентимиз.

Бу сўзлардан куч олмаслик, гурурланмаслик, навбатдаги спорт мусобақасида ҳақиқий жасорат намунасини кўрсатмаслик мумкинми ахир?! Ушбу Олимпиадада мен энг ёш штирокчи сифатида қатнашсам-да, дунёдаги саккизта қиличбоз қиз

орасидан жой олиб қайтдим. Бу, албатта, юртимизда спортга қаратилаётган эътибор ва Президентимизнинг хотин-қизлар спортини ривожлантириш бўйича алоҳида ғамхўрлигининг самарасидир.

Ўтган мусобақада хитойлик, япониялик ва Жанубий корейлик рақиб қизларни ҳам енгдим. Аммо ярим финалда венгриялик рақибимга ёшлигим ва тажрибасизлигим сабаб ютқазиб қўйдим. Лекин ушбу мусобақа мен учун катта тажриба бўлди.

Давлатимиз раҳбари билдирган ишончини оқлаш учун ўз устимда янада кўпроқ ишлаб, Парижда бўлиб ўтадиган навбатдаги Олимпиада мусобақасида Ватанимизга, албатта, олтин медаль билан қайтишга ҳаракат қиламан.

Бизнинг Барчиноидек момоларимиз қиличи билан халқимизни душманлардан қўриқлашган бўлса, мен қиличим билан жаҳон спортида рақибларимни ютиб, Ватаним шаънини муносиб ҳимоя қиламан.

Зайнаб ДАЙИБЕКОВА,
Қиличбозлик бўйича Ўзбекистон
миллий терма жамоаси аъзоси,
"Жасорат" медали соҳиби.

МАЪНАВИЯТ — ЭНГ ТАЪСИРЧАН ВА ҚУДРАТЛИ ҚУРОЛИМИЗ

Мамлакатимизда маънавий-маърифий ишларни тизимли ташкил этиш, бу борада амалга оширилаётган чора-тадбирларнинг самарадорлигини ошириш, аҳоли, айниқса, ёшларнинг интеллектуал салоҳияти, онгу тафаккури ва дунёқарашини юксалтириш, мафқуравий иммунитетини мустаҳкамлаш, ватанпарварлик, халққа муҳаббат ва садоқат туйғуси билан яшайдиган баркамол авлодни тарбиялашга алоҳида эътибор қаратилмоқда.

Миллий юксалиш сари

2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини ҳаёtgа жорий қилиш асосида мамлакатимизнинг сиёсий, ҳуқуқий, ижтимоий, иқтисодий, маънавий-маърифий ҳаётини тубдан янгилаш, "Миллий тикланишдан — миллий юксалиш сари" ғоясини реал воқеликка айлантириш борасида салмоқли ишлар амалга ошириляпти. Мамлакатимизда диний-маърифий соҳага берилётган катта эътибор, хусусан, Ўзбекистон ташаббуси билан Бирлашган Миллатлар Ташкилотининг "Маърифат ва диний бағрикенглик" резолюцияси қабул қилингани, Ўзбекистондаги Ислом цивилизацияси маркази, Имом Бухорий, Имом Термизий, Имом Мотуридий халқаро илмий-тадқиқот марказлари, Ўзбекистон халқаро

кучайтириш борасидаги ҳамкорлиги янада кенгайди, ҳар бир ташкилот ва муассасада, қорхоналарда маънавий-маърифий ишлар самарадорлиги ошди, маънавият хоналари ташкил қилинди, масъул ҳодимлар бириктирилди. Энг асосийси, ҳамкорлик асосида маънавият соатларини ўтказиш орқали ташкилот ва муассасалардаги ҳодимлар орасида маънавий билим ва қўнималар ривожлантирилди.

Минг афсуски, ташкилот ва муассасаларга борганимизда маънавиятнинг кимга кераги бор, деган шахслар ҳам учраб турарди. Хатто айрим туманларда маънавият ва маърифат бўлиналари ўз хонасига эга эмасди. Кенгашлар фаолияти фақатгина қоғозларда ёзиларди. Бўлиналарда, хатто компьютер, принтерларнинг йўқлиги маънавият соҳасидаги фаолиятимизга салбий таъсир кўрсатар эди.

Президентимизнинг ташаббуси, соҳага кўрсатаётган катта эътибори билан халқимизнинг маънавиятга муносабат тубдан ўзгарди. Ўзбекистонда кейинги 5 йилда маънавиятга оид 4 та қарорнинг қабул қилиниши, айниқса, маънавият ва маърифат марказлари туман бўлиналарининг моддий-техника базаларини ривожлантиришга қаратилган тадбирлар биз каби соҳа ҳодимла-

рининг самарали фаолият олиб боришига асос бўлмоқда.

Айниқса, Президентимизнинг "Маънавий-маърифий ишлар тизимини тубдан такомиллаштириш чора-тадбирлари тўғрисида"ги қарорининг қабул қилиниши мамлакатимиз ҳаётида маънавият ва маърифат соҳасида янги қадам, катта бурилиш бўлди. Ушбу қарор билан Маънавият ва маърифат марказини янада ривожлантириш учун қўшимча имконият ва вазифалар, шунингдек, маънавий-маърифий ишлар тизимини тубдан такомиллаштиришнинг устувор йўналишлари белгиланди. Жумладан, марказнинг маънавий-маърифий, илмий-



"Янги Ўзбекистонда эркин ва фаровон яшайлик" шiori остида "Янги Ўзбекистон — янги Ренессанс" мавзусидаги учрашувлар халқнинг қалбига шукроналик туйғуларини шакллантиришга қаратилгани билан аҳамиятлидир.

Айша МАТНИЯЗОВА,
Қорақалпоғистон Республикаси Жўқоры Кенгеси
депутати, Республика Маънавият ва маърифат маркази
Элликқалъа тумани бўлинимаси раҳбари.



Фаргона вилояти:



БУНЁДКОРЛИК ВА ЯРАТУВЧАНЛИКНИНГ УЛУҒ ҚУДРАТИ

Ўзимизнинг брендимиз остида

Серкўёш заминимизда етиштирилаётган узум маҳсулотлари етти иқлимга машҳур. Шу боис мамлакатимизда мазкур тармоқни ривожлантириш, тоқзорларни, узумнинг сонаотбоп навларини кўпайтириш, соҳага илм-фан ютуқларини, янги технологияларни жорий этишга алоҳида эътибор қаратилмоқда.

Корхонамиз тасарруфидаги 500 гектардан зиёд узум плантацияларида дунёнинг турли давлатлари — Франция, Испания, Грузия, Озарбайжондан келтирилган ноёб узум навлари парваришланмоқда. Корхонамизда узумдан тайёрланган 20 турдан ортиқ маҳсулотлар Болтиқбўйи, Қозоғистон, Тожикистон, Россия, Хитой мамлакатларига экспорт қилинапти. 2020 йили 300 минг евролик маҳсулот жўнатган бўлса, жорий йилнинг олти ойида экспорт ҳажми 270 минг еврога ташкил этди.

Замонавий шарт-шароитларга эга узумчилик мажмуамизда экотуризм ҳам тезкор ривожланыпти. Селекция ишларини жадаллаштириш, интенсив усулда кўчат етиштириш ва парваришlash, жаҳон бозорига харидоригар бўлган данаксиз узум навларини кўпайтириш ҳамда қайта ишлаш сонаотига янги технологияларни жорий этиш, ёзги ва қишки экотуризм йўналишларини янада кенгайтириш олдимида турган энг муҳим вазифалар сирасига қиради.

Шу мақсадда эндиликда давлатимиз томонидан узум плантациялари учун субсидиялар ажратилаётгани, янги тоқзорлар барпо қилиш, эски бог ва узумзорларни янгилаш тизими яратилаётгани гоёт қувонарлидир. Қишлоқ ҳўқалигида фойдаланилмайдиган, ҳосилдорлиги паст бўлган ташландиқ ерларда узум етиштираётган биз каби тадбиркорлар учун бундай имтиёзлар жуда ҳам зарур.

Бугун жаҳон бозорига майиз ва табиий вино маҳсулотлари нўҳоятда харидоригар. Айни ҳижатларни инобатга олиб, корхонамиз фаолиятини илгор тенденциялар асосида ривожлантириш, янги-янги тоқзорларга асос солиш, маҳсулот турларини кенгайтириш, экотуризм салоҳиятини юксалтириш учун истиқболли бизнес-режалар ишлаб чиқишни мақсад қилганмиз.

Азизбек КОМИЛЖОНОВ,
«Ferghana France» МЧЖ шаклидаги
қўшма корхона раҳбари.

Биз сенинг дилбандларинг, Ватан!

Юртимизда ёшларни ҳар томонлама етуқ, салоҳиятли инсонлар этиб вояга етказиш масаласи давлат сиёсати даражасига кўтарилганлиги туфайли ёшларимиз демократик жараёнлар ва фуқаролик жамиятини ривожлантиришга муносиб ҳисса қўшиб келаётир.

Айниқса, Президентимизнинг яқинда Ёшлар кўнига бағишлаб “Учинчи Ренессанс бунёдкорлари” шиори остида ўтказилган Ўзбекистон ёшлари ва талабалари форумида иштирок этиб, нўтқ сўзлагани барчамизнинг ҳаётимизда тарихий воқеа бўлди.

Форумда устувор йўналишлар сифатида мактабгача таълим тизимидан тортиб, олий таълим, фан, маданият, санъат, жисмоний тарбия ва спорт каби соҳаларни тўдан ислоҳ қилишга қаратилган аниқ вазифалар белгиланди.

Янги ўқув йилидан 22 — 28 фоизли уч йиллик таълим кредити 14 фоизга туширилиб, 7 йилга бериладиган бўлди. Кредитни қоплашга йўналтириладиган маблағлар эса солиқдан озод қилинади. Дунё мўқсидида “ТОП-1000 таълим”ка кирган олий таълим муассасаларини битирган ва чет элда илмий иш қилган ёш мутахассисларга қўшимча ҳақ тўлаш тизими жорий этилди. Ипотека дастури доирасида уй-жой сотиб олиш учун ёш оилаларга қўшимча 2 минг-та квота ажратилиб, ушбу мақсадлар учун бюджетдан 60 миллиард сўм йўналтирилади. “Темир дафтар”га кирган оилаларнинг янги

турмуш қўраётган фарзандларига ўз хонадонидан қўшимча уй-жой тиклаши учун 33 миллион сўмгача гаровсиз кредит ажратиш тизими йўлга қўйилди.

Бу йил Ёшлар кўни арафасида давлатимиз раҳбари томонидан юксак орден ва медаллар билан тақдирланган йигит-қизлар орасида Хуршид Норматов, Оллоёр Абдураззоқов, Мардонхўжа Мўхторов, Сардор Ҳақимов, Мавсим Умаров сингари ўнлаб фарғоналик ёшларнинг борлиги барчамизни қўвонтиради, албатта.

Бундай эътибор ва рағбатдан қўн олган, янги ташаббус ва янги мақсадлар сари қадам қўётган ёш авлод юртимиз истиқболли, ёруғ келажагимиз бунёдкори, деган эътирофга муносиб меҳнат қилишдан асло чарчамаймиз. Зеро, бугун катта ғайрат билан энг шимариб ишлайдиган давр келди.

Элёр ХУДОЙБЕРДИЕВ,
Ёшлар ишлари агентлигининг
Фарғона вилояти бошқармаси бошлиғи
ўринбосари,
«Шўҳрат» медали соҳиби.



Шу йилнинг олти ойида экспорт ҳажми 1 миллион 200 минг долларга етди. Мақсадимиз — экспорт миқдорини ўтган йилги даражадан анчагина ошириш.

Мамлакатимизда илк маротаба Хитойга катта ҳажмда Марғилон ипагини экспорт қилиш бўйича келишувга эришдик. Шу тариқа 4 хил мато — шойи, сатин, атлас, адрас етказиб берилди. Ушбу маҳсулотлар бозорда ўз ўрнини топса, кейинчалик жуда катта миқдорда шартнома имзоланади.

Маҳмуджон МАҲМУДОВ,
«Нурли тонг силк» пиллачилик
кластери иш бошқарувчиси.

Марғилон ипаги мўъжизаси

Ҳар бир касбнинг ўз сир-синаоти бор. Хусусан, ўзининг ранги ва ажойиб гуллари, нафислиги билан ажралиб турадиган, оддий ипақдан тўқиладиган маҳсулот тайёр ҳолга келгунча 32 хил иш жараёнидан ўтиб, қўли ва қалби гул чеварлар астойдил меҳнат қиладди.

Узунлиги 200 метр, эни 40 сантиметр бўлган атлас-дона ипақ толаси бир-бири билан уйғуналаштирилади. Бу жараёнда битта тола узилса, маҳсулот сифатига путур етиши аниқ. Шунинг учун ҳам иш жараёнида ҳунарманднинг маҳорати муҳим аҳамият касб этади.

Марғилон ипақлари хом ашёси, безаги ва тўқуш усули бўйича бир-биридан фарқланади. Бекасам, адрас, парпосиша, банорас, ҳарир, шойи, якрўя, атлас, хонатлас, олача, қалами, бўз каби матоларнинг ҳар бири ўзига хос ва бетакрордир.

Давлатимиз раҳбари ташаббуси билан кейинги йилларда пиллачи-

лик тармоғи ривожига жиддий эътибор қаратилмоқда. Айни пайтда “Нурли тонг силк” пиллачилик кластери қошида ташкил этилган корхонамизда 100 та иш ўрни яратилган. Бундан ташқари, 20 нафар атлас ва адрас тўқувчи моҳир ҳунармандларни касаначи сифатида ишга жалб этганмиз.

Вилоятнинг Ўзбекистон, Қўрғат, Қўштета, Риштон туманлари ҳамда Қўвасой шўҳрида етиштирилган пилла ҳосилини ўзаро шартнома асосида қабул қилиб оламиз. Бу йил ҳам бешта ҳудудда 561 тонна сифатли пилла етиштирилди.

2020 йили Ҳиндистон, Хитой, Жаңубий Корея, Вьетнам, Миср сингари давлатларга 3 миллион дол-

Кўҳна водий меҳмонларни чорлайди

Фарғонанинг туризм салоҳияти тобора ривожланиб, имкониятлари кенгайиб бормоқда. Янги йўналишлар ташкил этиш, сайёҳларга қўлай транспорт-логистика, меҳмонхона, умумий овқатланиш сингари хизмат кўрсатиш тармоқлари фаолиятини йўлга қўйиш, тарихий қадамжолар, турвиктор тоғлар, ҳунармандчилик марказлари, табиати сўлим масканларда дам олишга таклифлар бўйича тарғибот ишларига алоҳида эътибор қаратилляпти.

Марғилон ипақ матолари, Риштон қўлоллик буюмлари, Қўқон ёғоч ўймакорлиги намуналарининг ўтмиш ва бугуни сайёҳларни ўзига мафтун этиб келади. Бу йўналишда туризм объектиларининг йўлга қўйилаётгани эса хорижлик сайёҳларда катта қизиқиш уйғотаётир.

Фарғонадан мамлакатимизнинг Хива, Самарқанд, Бўхоро сингари тарихий масканларига поездлар ҳаракати кўпайтирилиб, авиақатновлар очилди. Самолётда дунёнинг турли китъаларига бориш-келиш имкониятлари яхшиланяпти.

Янгилиани ва ўзгаришларни “Обод қишлоқ” ва “Обод маҳалла” дастурлари доирасида амалга оширилаётган ишлардан ҳам билса бўлади. Дастурга қўра, 2021-2022 йилларда 18 та туристик ва маданий мерос объектини ободонлаштириш, йўл ва бошқа инфратузилмаларни тартибга солиш учун 34 миллиард сўмга яқин маблағ сарфлаш кўзда тутилган. Бу борада вилоят ҳокимининг қарори қабул қилиниб, “Йўл харитаси” ҳам тасдиқланди. Бугунги кунда лойиҳа

ҳужжатларини тайёрлаш ишлари амалга оширилмоқда.

Айни жараёнда қўшни давлатлар билан маданий, ижтимоий-иқтисодий алоқаларимиз изчил ривожланиб бораётгани эътиборга молик. Биргина Қирғизистон Республикаси билан азалий қўшничилик муносабатлари доирасида вилоятимизнинг Ўш, Норин ва Баткен вилоятлари билан ўзаро бордин-келди муносабатлари жадал ривожланыпти. Яқинда Риштон тумани орқали Баткен вилоятига йўл очилган бўлса, кўни кеча Шохимардон туристик маскани ўз фаолиятини қайта бошлади.

Фарғона, Марғилон ва Қўқон шаҳарларида мунтазам равишда турли фестиваллар, халқаро анжуманлар ўтказилаётгани ҳам эътиборга лойик. Бу каби изчил сайёҳаракатлар вилоятнинг туристик салоҳиятини янада кенгроқ тарғиб қилишда муҳим аҳамиятга эга.

Баҳодиржон ҲОШИМОВ,
Фарғона вилояти туризм ва спорт бош
бошқармаси ахборот хизмати бошлиғи.

бора кенг қўлоқ ёзаётган янги мавзела-ридаги ўзгаришлардан кўнгил юксалади, баҳридилингиз очилади.

Табиати дилқушо, меҳмоннавоз Фарғонанинг бугунги хусну жамоли ҳаҳон

Маҳаллий ишлаб чиқарувчилар томонидан тайёрланаётган турли дизайни ва замонавий мебеллар ҳар бир хонадонга қўлайлик ҳамда кўрк бағишлайди. Унга эҳтиёж ва талаблар эса ишлаб чиқарувчиларни янгилик ҳамда изланишларга ундамоқда.

Бағдодда мебель саноати жадал ривожланыпти

Президентимиз раислигида шу йилнинг 24 июни кўни ўтказилган инвестиция жалб этиш, ҳудудларнинг экспорт салоҳиятини оширишга бағишланган видео-селектор йиғилишида мамлакатимизнинг 15 та ҳудуди, хусусан, Бағдод туманида кластер шаклидаги мебелчилик кичик саноат зоналарини ташкил этиш вазифаси белгиланди.

Ҳозирги кунда Бағдод туманида мебель маҳсулотлари ишлаб чиқарувчи тадбиркорлик субъектлари сони 62 та (шундан 29 таси юридик маҳкамга эга). 2020 йили юридик маҳкамга эга мебелчилик корхоналари томонидан 51,3 миллиард сўмлик маҳсулот ишлаб чиқарилди ва унинг 45 фоизи экспортга йўналтирилди.

Бағдод тумани ҳокими Восилжон Назаров томонидан “Қорақўл” МФЙ ҳудудида фойдаланилмай турган бўш бино негизига “Карвон SSS” корхонаси таъсисчилигида “Ме-

бель маҳсулотлари бозори”, мебелчилик кластери ташкил этиш таклифи илгари сурилди. Боиси мебелчиликка ихтисослашган оилавий тадбиркорларнинг аксарияти мазкур ҳудудда фаолият кўрсатади.

“Карвон SSS” корхонаси бугунги кунда Бағдод ва қўшни туманлардаги 200 дан ортиқ тадбиркорлик субъектларига бирламчи маҳсулотлар ва бутловчи қисмлар етказиб бермоқда. Корхона томонидан айни пайтда беш қаватли мебель савдо мажмуасини барпо этиш бўйича 30 миллиард сўмлик бизнес-лойиҳа тайёрланган.

Энг қувонарлиси, тадбиркорлар қўлга киритган сармояси орқали нафақат ўз оиласи бюджетини тўқис қилмоқда, балки мамлакатимиз тараққиётига ҳам муносиб ҳисса қўшаётир.

Сайдсизмжон САИДУМАРОВ,
тадбиркор.

Тошлоқнинг замонавий қиёфаси

Юртимизда кенг қўламли бунёдкорлик ишлари тобора қизиган тўс оллоқда. Таъбир жоиз бўлса, мамлакатимиз ҳудуди том маънода улкан қурилишлар майдонига айланган. Шу асно эскириб, абгор ва яроқсиз ҳолга келиб қолган ёки давр талабларига жавоб бермай қўйган иморатлар ўрнига янгиларини барпо этишга ҳам жиддий эътибор қаратилмоқда.

Шаҳар-қишлоқлари-мизда кўркам тураржойлар, замонавий ишлаб чиқариш корхоналари, савдо ва маийий хизмат кўрсатиш шохобчалари жадал қад ростламоқда, саранжом-сарашта маҳалла-гузарлар қўпаймоқда.

Бугунги янгилинишлар жараёнида Тошлоқ тумани маркази ҳам замонавий шаҳарсозлик меъморчилиги асосида янги қиёфа касб этиб, ичимлик ва оқова сув тармоқлари, электр, табиий газ таъминоти, транспорт-коммуникация хизматлари сифати яхшиланяпти.

Шу йилда 51 маҳалла фуқаролар йиғинида 53 километр ички йўлларни асфальтлаш режалаштирилган бўлиб, бунинг учун 14,5 миллиард сўм маблағ йўналтирилиши кўзда тутилган.

Бугунги кунга қадар 30 километрдан ортиқ ички йўллар асфальтланди. Бу борада белгиланган вазифаларни истиқлол байрамнинг 30 йиллигига қадар якунига етказиш ҳаракатидамиз.

Шу кунларда “Сўфилар” МФЙнинг учта кўчасида

1,5 километр йўлни асфальтлаш ишлари икки сменада олиб бориляпти. Бунинг учун 11 та техника, 20 нафар маҳаллали ишчи-мутахассис жалб қилинган.

Асосан, ёш оилалардан иборат аҳоли вакилларининг қувончини бир қўрсангиз эди. Иссиқ кунда оила бекалари муздек айрон, мева шарбатли олиб чиқса, нурунийлар қуритилган мевалар, қовун-тарвуз билан сийлайди.

Ҳозирги кунда хом ашё захирасини етарли миқдорда жамғариб олганмиз. Қудратли техникаларимиз туманда ташкил этилган асфальт завоиддан маҳсулотни ўз вақтида етказиб келляпти.

Таъкидлаш ўринлики, қурилиш соҳасида янги йўллар қуриш, асфальт ётқириш энг мураккаб ва катта маблағ талаб қиладиган соҳа ҳисобланади. Бугунги кунда 1 километр йўлни асфальт қилиш учун ўртача 250 миллион сўм маблағ сарфланаётир.

Акмалжон УЗОҚОВ,
«Тошлоқ йўллардан фойдаланиш» унитар
корхонаси директори.

Саҳифа материалларини
Ботир МАДИЁРОВ «Халқ сўзи» тайёрлади.

Халқ сўзи

Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президентини Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 848. 32 300 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.



Тахририятга келган қўёзмалар тақриз қилинмайди ва муаллифга қайтарилмайди.

Газетанинг етказиб берилиши учун обунани расмийлаштирган ташкилот жавобгар.

Газета тахририят компьютер марказида терилди ҳамда оператор М. Бегмуртова томонидан саҳифаланди.

Газетанинг полиграфик жиҳатдан сифати чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100000,

Тошкент шаҳри,

Матбуотчилик кўчаси, 32-уй.

Навбатчи муҳаррир — З. Худойшукров.

Мусаҳҳиҳ — С. Исмолов.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 21.15 Топширилди — 00.20 1 2 3 4 5 6